



Në bazë të Programit për aktivitete në fushën e sportit dhe të rinjve në qytetin e Shkupit, për vitin 2018 (Lajmëtari zyrtar i Qytetit të Shkupit nr. 1/18 të datës 01 shkurt 2018), Kryetari i Qytetit të Shkupit shpall:

THIRRJE PUBLIKE
për shpërndarjen e mjeteve buxhetore për financimin e programeve dhe
projekteve në fushën e sportit me interes për Qytetin e Shkupit
për vitin 2018

I

Për realizimin e nevojave publike në fushën e sportit, Qyteti i Shkupit shpall Thirrje publike për financimin programeve dhe projekteve në fushën e sportit me interes për Qytetin e Shkupit për vitin 2018.

Aktivitetet sportive, programet dhe manifestimet dhe mjetet financiare për realizimin e tyre, Qyteti i Shkupit i përcakton me program vjetor gjë me të cilën pasqyrohet interesi dhe nevojat në këtë sferë.

Programet dhe projektet duhet të sigurojnë zhvillim, stimulim dhe prezantim të vlerave dhe arritjeve sportive në fushën e sportit në nivel të qytetit të Shkupit.

Mjetet për financimin e programeve dhe projekteve do të sigurohen nga Buxheti i Qytetit të Shkupit për vitin 2018.

Në përputhje me dispozitat dhe kriteret ligjore për përcaktimin e programit për sport dhe për sigurimin e mjeteve për realizimin e tyre, si dhe mbi bazë të vlerësimeve për programet e realizuara në vitin 2017, Qyteti i Shkupit me Programin për aktivitetet nga fusha e sportit dhe të rinjve në qytetin e Shkupit për vitin 2018, me katër (4) pikat e mëposhtme të Programit, do t'i përkrahë:

1. MANIFESTIME SPORTIVE TRADICIONALE

Qyteti i Shkupit do t'i financojë evenimentet dhe manifestimet sportive tradicionale të karakterit lokal, regional, nacional dhe ndërkombëtar, me qëllim ruajtjen e kontinuitetit të këtyre manifestimeve për të cilat ka interes nga ana e qytetarëve dhe të cilat janë në interes të zhvillimit të sportit në qytetin e Shkupit, me mjete nga Buxheti i Qytetit të Shkupit, të shpërndara organizatorit (Federata kombëtare sportive anëtare e Federatës kombëtare sportive dhe subjekte të tjera sportive).

Vetë emri manifestime sportive tradicionale tregon se Qyteti i Shkupit do të financojë manifestime me të cilat kanë traditë së paku pesë vjet dhe që kanë lënë gjurmë të rëndësishme në zhvillimin e sportit në qytetin e Shkupit.

2. MANIFESTIME ME INTERES TË VEÇANTË PËR QYTETIN E SHKUPIT

Në fushën e manifestimeve me interes të veçantë, Qyteti i Shkupit do t'i financojë programet, projektet dhe aktivitetet e të gjitha subjekteve të interesuara sportive të cilat do të deponojnë programe dhe projekte për organizimin e

manifestimeve dhe evenimenteve sportive me interes të veçantë për Qytetin e Shkupit.

Qyteti i Shkupit nëpërmjet përkrahjes së evenimenteve të tilla sportive dëshiron të tregojë se është i aftë të organizojë edhe manifestime ndërkombëtare të rangut më të lartë. Qyteti i Shkupit gjithmonë do të përkrahë manifestime sportive të cilat në të ardhmen do të kontribuojnë për popullarizimin e sportit dhe përfaqësimin e denjë të mundësive dhe potencialeve të Qytetit të Shkupit për organizimin e këtij lloji të manifestimeve.

3. PËRKRAHJA E PROGRAMEVE DHE PROJEKTEVE TË ORGANIZATAVE TË TJERA SPORTIVE ME INTERES PËR QYTETIN E SHKUPIT

Qyteti i Shkupit do t'i financojë programet, projektet dhe aktivitetet për realizimin e programeve të veçanta për krijimin e kushteve për realizimin e aktiviteteve sportive të sportistëve – amatorë, të nxënësve dhe të rinjve, me theks të veçantë në realizimin e aktiviteteve sportive dhe garave të nxënësve në shkollat e mesme në territorin e qytetit të Shkupit.

Mundësimi i komunikimit më intensiv të sportistëve dhe sportistëve dhe shoqatave të tyre me sportistët dhe sportistët nga qytetet e binjakëzuara, kryeqytetet dhe qendrat e mëdha urbane në rajon dhe në botë, me qëllim avancimin e bashkëpunimit të ndërsjellë.

Qyteti i Shkupit do të përkrahë edhe programe, projekte dhe aktivitete për sport rekreativ masiv të qytetarëve të Shkupit, aktivitetet sportive-rekreative të personave me nevoja të posaçme në territorin e qytetit të Shkupit, si dhe programe, projekte dhe aktivitete për sporte urbane ekstreme në Shkup.

4. PROGRAME DHE PROJEKTE PLOTËSUESE NË SPORTE

Qyteti i Shkupit do t'i financojë programet, projektet, aktivitetet dhe manifestimet që nuk janë të përfshira me pozicionet e mëparshme të tre pikave të lartpërmendura, dhe të cilat me aktualitetin, atraktivitetin, rëndësinë dhe cilësinë e tyre, kontribuojnë për realizimin e qëllimeve programore në fushën e sportit të Qytetit të Shkupit për vitin 2018.

II

Programet dhe projektet e propozuara, projektet, aktivitetet dhe manifestimet, përveç arsytimit duhet të përmbajnë edhe propozim-konstruksionin buxhetor, në të cilin do të theksohen mjetet që kërkohen nga Buxheti i Qytetit të Shkupit, si dhe mjetet e siguruara nga Agjencia për të rinj dhe sport e Republikës së Maqedonisë, të ardhura të veta dhe mjete nga burime të tjera.

III

Përveç fushave të theksuara, fletëparaqitjet e deponuara duhet të plotësojnë qëllimet dhe kriteret të cilat janë dhënë të bashkëngjitura në Thirrjen

publike, e cila është shpallur në ueb-faqen zyrtare të Qytetit të Shkupit www.skopje.gov.mk

IV

Në procedurën për shpërndarjen e mjeteve buxhetore nga Programi për aktivitetet në fushën e sportit dhe të rinjve në qytetin e Shkupit, për vitin 2018, do të pranohen ato programe dhe projekte, aktivitete programore dhe manifestime, që në bazë të kriterëve do të sigurojnë më së paku 55 pikë.

V

Paraqitja në Thirrjen publike kryhet me deponimin e fletëparaqitjes së plotësuar (aplikacioni). Aplikuesit, përveç fletëparaqitjes, në mënyrë të detyrueshme duhet të dorëzojë edhe dokumentet e mëposhtme:

- aktvendim për regjistrim në regjistër dhe gjendjen vijuese për regjistrimin e veprimtarisë jo më të vjetër se gjashtë muaj, të lëshuar nga Regjistri qendror i Republikës së Maqedonisë ;
- vërtetim për xhiro llogari të hapur dhe aktive dhe
- në varësi të statusit të aplikuesit, të deponohet Aktvendim për kryerjen e veprimtarisë sport, të lëshuar nga Agjencia për të rinj dhe sport e Republikës së Maqedonisë.

VI

Të dhënat e nevojshme si dhe propozim programet dhe projektet, aktivitetet programore dhe manifestimet, me konstruksionin financiar, duhet të deponohen në fletëparaqitje të veçantë që mund të merret nga Arkivi i Qytetit të Shkupit (baraka 16) ose nga ueb-faqja zyrtare e Qytetit të Shkupit www.skopje.gov.mk

Thirrja publike zgjat gjithsej **15 ditë**, nga dita e shpalljes në mjetet e informimit publik.

Thirrja publike shpallet më **07.02.2018** dhe do të zgjasë deri më **21.02.2018**.

Fletëparaqitjet duhet të deponohen pranë Qytetit të Shkupit, nëpërmjet postës në adresën: Bul. "Ilinden" numër 82, 1000 Shkup, ose në Arkivin e Qytetit të Shkupit (baraka 16), më së voni deri më datën 21.02.2018 deri në orën 15:00 në ditën e fundit të përfundimit të Thirrjes publike, me emërtim: për **"Thirrje publike për shpërndarjen e mjeteve buxhetore për financimin e programeve dhe projekteve nga fusha e sportit me interes për Qytetin e Shkupit për vitin 2018"**.

Fletëparaqitjet deponohen në zarf të mbyllur dhe të vulosur, pa shenja të subjektit i cili deponon fletëparaqitjen.

Fletëparaqitjet e parregullta të cilat nuk janë dorëzuar në mënyrën që kërkohet në tekstin e mësipërm, pikërisht ato me të dhëna të paplota dhe dokumentacion të pakompletuar, si dhe ato që nuk do të dorëzohen në afatin e parashikuar, nuk do të shqyrtohen.

Informacione plotësuese mund të merren në tel:

02/ 3297-238 dhe 3297-320.

QYTETI I SHKUPIT